



504
B183



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
504 B 183



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
504 B 183




Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
504 B 183



Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
504 B 183



54
110



504 *W*
B183

C A R M E N *Banc. 212.*
D E
E X T R E M O
J U D I C I O .



A M S T E L A E D A M I .

Apud PETRUM BOETEMAN , in fossa Regia
vulgò de *Cingel* prope Scholàs Latinas.

M D C L X X V I .

III 7



C A R M E N
D E
E X T R E M O
J U D I C I O.

Ert animus tenui noster celebrare Camæna,
Humanas, eheu! cæcâ caligine mentes
Obductas, quos venter iners, quos dira libido
Sternit humi, miserâ quos compede vincit avaros
Vilis amor nummi, quæis pectoris inquinat ignem
Gloriolæ fumus sacrum, qui maxima ducunt
Vilia, qui ducunt in mundo vilia magna,
Æternisque student animo præferre caduca
Perverso, solique sibi calcanda futura
Proponunt læti rebus præsentibus; illos
Incepto conor studio terrere sinistro:
Judicium extremum nobis sit regula, norma,
Per quas Christicolæ ducentur tramite recto.
Quæso mihi liceat paucis narrare diæi
Istius horrendam faciem, quò crimina ponat
Mortalis, quò concessos bene transigat annos.
E sacris verè nos novimus affore tempus,

A 2

Quo

Quo mare, quo tellus, correptaque regia cæli
Ardeat, & mundi moles operosa laboret.
Angelicæ turbæ cum Christo Iudice, magna
Copia cernetur, cernetur & incola cæli
Innumerus, tantum numerum non viderit orbis:
Nam non Xerxis opes ingentes, flumina tota
Lambentes tantæ, quas Attica terra videbat.
Non ea majestas post condita secula visa,
Quam visurus erit mundus sub iudice tanto.
Non talem pompam Romana potentia vidit,
More Dei quamvis procedant ordine celso,
Et splendore gravi, gemmis auroque referti
Quæis rutilis stellis radios imponere Phæbo
Conantur tenebras, immortalesque videri.
Æther, tum tellus, nubes, pontusque tremiscent,
Cum ruit horribilis cælo vox sparsa per auras;
Buccina terribili sonitu, clangorque tubarum
Raucarum, tonitru strepitus, tum fulminis ictus,
Fulgura notescunt; qualis processit Olympo.
Isacidûm genti Deus, ut det jura, tonitru
Ac vocem horribilem populus perferre nequivit
Et clarum lumen, Sinæi Mons, fumus, & ignis,
Et fragor existit, Moses poscente popello,
In promulgandis velavit legibus ora,
Namque Dei visu tam clarus fulgor adhæsit,
Ut populus citra noxam non posset abire.
Abdita quæ dudum jacuere cadavera Terrâ,

Et

Et quæ pontus habet , fluctusque ad littora volvunt ,
Et sparsi cineres , per agros , per saxa , per undas ,
Et laniata feris , quæ corpora mœsta jacebant ;
In lucem emergent patefactis ossa sepulchris ,
Atque solo rupto furibundi faucibus orci
Nigris , Alecto præstò furixque minaces ,
Tortoresque alii stant , prædam , murmure fædo
Spectantes avidi. Tremebundus judicis hujus
Vultus erit minium , qualem decet esse Senatûs ,
Offensi toties populorum crimine dirô ,
Quos nixus tanquam gallina fovere sub alis
Est , verbis toties blandis , perversa propago
Contempsit monitum sanum , propriamque salutem.
Quis non attonitus judex tua respicit ora ?
Sæpius atque iterum populus te torsit ad iram ,
Indignisque modis vitæ patientia læsa
Induit ardentes animos , acremque furorem.
Non quæsitō erit Rhadamantus , & Æacus , atque
Minos , judicii justī cunctisque verendi.
Quæsitōr scelerum veniet , vindexque reorum ,
Qui commissā suis rimabitur argumentis.
Et trahet in lucem , tacitæque licentia fraude
Et quisquis vero favit , culpamve perodit
Proditur , atque alto qui jurgia pectore tollat.
Tunc cum flammivoma descendet nube coruscans
Judex ætherii genitoris gloria Christus.
Matribus atque viris , & primâ luce peremtis

Christus jura dabit , mediâ cùm valle sedebit
Quæsitur , vitam populorum & crimina penden
Vos & Apostolicæ gentis bis sedibus ipsi
Senis , sublimes homines censebitis unâ,
Bis senæque tribus gentis tum vestra subibunt
Arbitria , & vestros mirabitur orbis honores.
Non indiscussum verbum linquetur , at omne
Consilium mentis , tum consultatio vana :
Quicquid & arbitris dictum factumve remotis
Patratum fuerit , cernit penetralia cordis
Hic judex , homines gestabunt pectore testem
Damnandum , surget rigor haud effabilis cheu !
Mentibus ó utinam ! nostris infixâ maneret
Vox horrenda , venite , resurgite corda sepulta ,
Sistite vos coram Domino : vos præmia digna
Factis , aut tristem pœnam portabitis a me.
A dextra lævaque simul stant ordine certo
Cuncti terrigenæ : tunc judex justus ab ore
Effundet vocem hanc : damnati tendite ad ignem
Æternum , vobis patefactum tempore longo.
Exitus haud ullus dabitur ; nam quæstio nulla
Hic est , exilii , gazæ , sententia firma
Æternum , damnat vos , agmina sæva Sororum
Expectant miseros quatientes dira flagello.
Hic & crudeles pœnas Salmonæus intus
Perpetitur , flammæ sonitusque imitatus Olympi.
Aut qui divitiis soli incubuere repertis ,

Qui-

Quique ob adulterium cæsi , quique arma secuti
Impia , nec veriti Dominorum fallere dextras ;
Qui vendit patriam pretio , dominumque potentem
Inducit leges figens auro atque refigens ,
Qui thalamum invasit gnatæ , vetitosque Hymenæos ,
Aut audens immane nefas , ausoque potitus.
Torquet damnatos sententia judicis alti ,
Natalem oderunt prolis materque paterque ,
Atque patri gnatus , maledicet filia matri ;
Odit avum neptis , conjux oditque maritum.
Livor eos urit major , quòd culmine summo
Evectos videant multos , quos ante videbant
Calcato humili terrâ , cænoque jacentes.
Vox æterna malum nunquam abstergetur ab ore ,
Nam tristi , frustra , clamabunt voce , profundæ
Valles , vos montes , cælo stellisque propinqui ,
Vertice sublimi , rupes defendite ab ira
Damnatos agni , folio sublimè sedentis.
Non circumscribi mensurâ temporis ullâ
Æternum poterit , comprèndi aut mente creatâ.
Annua monte licèt per avem tollatur arena
Nubifero , tandem vix collis habebitur illic.
Detur avis guttam rapiens de fluctibus unam
Oceani , innumeris annorum millibus ingens
Exhaustus fiet pontus , fluctusque silebunt.
Horrendus judex sonat his qui cornua dextræ
Servant , huc adsis mecum dilecta propago ,

Ac

Ac altos mecum cælos fedesque beatas
Scandito , dilexi te prima ab origine mundi ;
Carpito jam mecum cælestia gaudia , nullum
Quæ tempus delet , nunc præmia justa referto.
Ac immixta choro Divûm resideto perenni,
Cernito lætitiâ , quam nunquam vidit ocellus
Humanus , nec adhuc hominum penetravit ad aures.
Hoc læto eventu cunctis mortalibus opto :
Ut fugiant mundi fraudes , vitamque dolosam ;
Omne nefas vitent , mors Christi gloria cæli ,
Semper iis adsit , circum præcordia verset ,
Jugiter & pia mens noctesque diesque laboret ,
Ut finem tangat , quo gloria celsa paretur ,
Cum Christo superûmque jugo dominantur in astris ,
Et sine fine canant hymnos laudesque sonoras
Patri , qui cælum , terram , pontumque creavit ,
Ne mœstum limen tangant Acherontis averni ,
Ac includantur diris fædisque tenebris.

Cecini publicè

ALBERTUS DOORNEKROON,

Examine verno,

ANNO MDCLXXVI.

